

Վարչական տույժ նշանակելու մասին

«19» ապրիլի 2022թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետի ԺԹՊ Արտաշես Ղամբարյանս, ուսումնասիրելով Հայաստանի Հանրապետության քաղաքացի «ԱՄԲՍ» ՍՊԸ-ի աշխատակից Վասպուր Արտակի Հարությունյանի (նույն.քարտ՝ 010914968, ք.Կապան, Շինարարների 3/11) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Վասպուր Հարությունյանը թիվ 05100040/040719/0000585 ապրանքների հայտարարագրի 20-րդ սյունակում առաքման պայմանը նշել է FOB SHANGHAI, առկա են բեռի փոխադրման ծախսերը հիմնավորող փաստաթղթեր, սակայն արժեքի մանրամասներ դաշտում արտաքին փոխադրման ծախսը և բեռի ապահովագրման ծախսը չի նշել: Վերոնշյալ ոչ ճշգրիտ տեղեկությունը ներկայացնելու հետևանքով պակաս են գանձվել 22127 ՀՀ դրամ մաքսային վճարներ:

Նշված փաստի առթիվ ՀՀ ՊԵԿ ՀՄՎ ՄԳ բաժնի գլխավոր մաքսային տեսուչի կողմից 23.02.2022 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 203-րդ հոդվածի հատկանիշներով, այն է՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը:

Վասպուր Հարությունյանին գործի քննության վայրի և ժամանակի մասին ծանուցագիրն ուղարկվել է փոստով և ծրարը փոստային ծառայության կողմից հետ է վերադարձվել «տեղափոխված» նշագրմամբ:

Վարչական վարույթի շրջանակներում հարցումներ են կատարվել ՀՀ Ոստիկանության Անձնագրային և վիզաների վարչություն, ինչպես նաև ՀՀ կադաստրի կոմիտե՝ Վասպուր Արտակի Հարությունյանի հաշվառման վայրի և նրա անվամբ գրանցված գույքի վերաբերյալ տեղեկատվություն ստանալու նպատակով:

ՀՀ Ոստիկանության Անձնագրային և վիզաների վարչությունից տեղեկատվություն է տրամադրվել առ այն, որ Վասպուր Արտակի Հարությունյանը 18.11.2021 թվականին ք.Կապան, Շինարարների 3/11 հասցեի հաշվառումից հանվել է:

ՀՀ կադաստրի կոմիտեից տեղեկատվություն է տրամադրվել առ այն, որ քաղաքացի Վասպուր Արտակի Հարությունյանի (նույնականացման քարտ՝ 010914968) անվամբ Սյունիքի մարզ, քաղաք Կապան, Շինարարների փողոց, 8 շենք, N 20 բնակարանի նկատմամբ գրանցված է ընդհանուր համատեղ սեփականության իրավունք:

Քաղաք Կապան, Շինարարների փողոց, 8 շենք, N 20 բնակարան հասցեով Վասպուր Արտակի Հարությունյանին ուղարկվել է գործի քննության վերաբերյալ ծանուցագիր, որը փոստային ծառայության կողմից հետ է վերադարձվել «չտեղափոխված» նշագրմամբ:

Քաղաքացի Վասպուր Արտակի Հարությունյանի սահմանահատումների պատմությունը ստանալու նպատակով՝ հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն, համաձայն որի քաղաքացի Վասպուր Արտակի Հարությունյանը 24.04.2021 թվականին ՀՀ-ից դուրս է եկել:

ԵՏՄ հանձնաժողովի 20.05.2010 թվականի թիվ 257 որոշման համաձայն ապրանքների հայտարարագրի 20-րդ վանդակում նշվում են մատակարարման պայմանների վերաբերյալ տեղեկությունները, եթե հայտարարագրվող ապրանքները ներմուծված են (ներմուծվում են) մաքսային տարածք արտաքին տնտեսական գործարք կատարելիս կնքված պայմանագրով սահմանված պարտավորությունների կատարմամբ:

Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել Եվրասիական Տնտեսական Միության Մաքսային օրենսգրքով սահմանված և /կամ/ անդամ պետությունների՝ մաքսային կարգավորման վերաբերյալ օրենսդրությամբ սահմանվող պարտականությունները:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և

տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթի նյութերի ուսումնասիրությունից պարզվում է, որ թիվ 05100040/040719/0000585 ապրանքների հայտարարագրի 20-րդ սյունակում նշել է ոչ ճշգրիտ տեղեկություն, որն էլ հանգեցրել է ՀՀ մաքսային օրենսգրքի 203-րդ հոդվածի 2-րդ մասով սահմանված մաքսային կանոնների խախտման: Ընդ որում, կատարվածի արդյունքում առաջացել է մաքսային վճարների պակաս հաշվարկում 22127 ՀՀ դրամի չափով: Ելնելով վերոգրյալից և ղեկավարվելով ՀՀ մաքսային օրենսգրքի 203-րդ, 206-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

ՈՐՈՇԵՑԻ

1. Վասպուր Հարությունյանին ՀՀ մաքսային օրենսգրքի 203-րդ հոդվածի 2-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **11070 ՀՀ դրամ /22127:2/:**

2. Որոշման մասին հայտնել Վասպուր Հարությունյանին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. **900005024055՝ 11070 ՀՀ դրամ, նշել 30 կողմ:**

ՀԱՐԱՎԱՅԻՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ ԺԹՊ

ԱՐՏԱՇԵՍ ՂԱՄԲԱՐՅԱՆ